

Rábmon- ja láitinsátnevádjasat

Sátnevádjasiin sáhtta ášši mitalit vehá eará láhkai go dábálaččat ja oanehabbot maiddá. Sátnevádjasiid bokte sáhtta deattuhit dahje fuomášahttit. Čuovvovaččat muhtin rábmon- ja láitinsátnevádjasat.

- Bahás beallji gullá álot / Bahás beallji lea álot guldaleamen dárkkuha dan, ahte olmmoš ii galggašii olbmui baháid hállat, dasgo nu sáhtta alces geavvat maid.
- Ii olmmoš havsse iežas baikka, muhto nuppi olbmo baika gal háisu ja guhkás. Olmmoš ii fuomáš dan, ahte ieš dahká boastut, muhto jus nubbi dahká boastut, de dan gal fuomáša.
- Daga buori ja baikasáni oaččot giitun. Suopmelaš fas dadjá ahte giitemahttunvuolta lea máilmmi bálká.
- Don leat oalle giegačotta dárkkuha dan, ahte leat seamma vuovdá go giehka.
- Buorre namma gullo guhkás, muhto bahá namma gullo vel guhkkeli.
- Eai stuorra sánit njálmmi gaikkot
- Jienainis dat garjáge lávlu. Juohke okta ferte birget dain attáldagain mat mis leat.
- Eanet leat juonat go suonat lávejit dadjat juonalaš dahjege skealbma olbmos.
- Ii giige rikko orrumin/oađdimin
- Ii šatta beassis gahpir

Eanet sátnevádjasiid gávdná ee. Girjjo-Gárjjo-girjjis, Jođi lea buoret go oru -girjjis, Inarinsaamen idiomisanakirja -girjjis, Suomen Lappalaiset I -girjjis.